



Preassadieđáhus

Fylkkaráđđejodiheaddji Paul Dahlø:

Ii mihkkege oddásiid suodjalushoavdda evttohusas - GÁIBIDA OLLISLAŠ MOBILISEREMA ROMSSAS

- Oaččun beare dovddahit ahte Suodjalushoavdda evttohus mii dál lea almmuhuvvan, lea measta kopijja das máid ovdal leat gullan suodđamiid bokte. Das ii leat makkárge ođas, muhto dat gáibida nanu barggu Romssa bealis.

- Dán barggu leat mii gergosat álggahit. Fylkkesuohkanis ja suodjalussuohkaniin lea buorre ovttasbargu ja mii leat bidjan ovdan oktasaš plánaid movt čuovvolit suodjalusevttohusa.

– Suodjalusevttohus addá midjiide, oktan Suodjaluspolitihkalaš lávdegotti čilgehusain mii almmuhuvvui golggotmánu 31.beavvi, buori várdosa daid deataleamos vuodđodokumeanttain mat leat Suodjalusa guhkesáigásašplánas 2009-2012 áigodahkii. Dán máhtu áigut mii geavahit aktiivvalaččat ulbmillaš politihkalaš váikkuhusneavvun Ráđđehusa guhkesáigásašplána gárvvisteami rádjái. Dát mielddisbuktá ahte mii, iežamet suodjalussuohkaniid ovttasbargguin, ja minddar min riikkaosiin, áigut bargat doaimmalaččat guovddáš suodjaluspolitihkkariid guvlui, vuosttažettiin Suodjalusministara, muhto maiddái suodjaluslávdegotti miellahtuid ja earáid guvlui geain lea dadjamuš proseassas.

Suodjalusevttohusa sisdoalu ektui fertet mii, ovttas suodjalussuohkaniiguin, oažžut buoret áiggi árvoštallat dán bienasta bitnii ovdal go loahpalaččat das konkluderet. Álgovuorus áiggun oanehaččat cealkit čuovvovačča:

Lea buorre go Suodjalushoavda áigu nannet Soahteveaga Romssas, muhto go dat lea daddjon de leat maid evttohusas Soahteveaga bealis mánga rievdadusa maidda mii leat kritihkalaččat. CRC Sørreisa evttohit heaittihit. Dát lea juste vuostá dan máid Riikkaossilávdegoddi lea gávnahan, ja dat lea vuostá Suodjaluspolitihkalaš lávdegotti rávvagiid. Romssas álggahuvvoge de árjatlaš bargu vai dát stašuvdna ii heaittihuvvo. Fylkkaráđđi áigu, ovttas suodjalussuohkaniiguin, maiddái bargat doaimmalaččat vai sihkkarastit ahte

Davviguovlovuoruhus čuoovvoluvvo geavatlaččat, ja ahte nannejit Mearrasuodjalusa ja Áibmosuodjalusa doarvái resurssaid bokte ja ahte dat leat min riikkaosis bures oidnosis leairraid bokte.

Suodjaluspolitihkalaš oktavuođas álgetge dál duođas politihkalaš proseassat. Mii leat gergosat, ja mii bargagoahhtit dáinna buot návccaiguin vai sihkkarastit suodjalusfylkka Romssa boahhteáiggi.

Eanet kommentáraid addá fylkkaráđđejodiheaddji Paul Dahlø, mobiila: 977 18 700

